

MISSÆ PROPRIÆ
SANCTORUM
REGNI SUECIÆ
PATRONORUM.

FESTA JANUARI.

Die xix. Januarii.

INFESTO

S. Henrici Episcopi & Martyris,

Introitus. Dan. 3.



Acerdotes DEI benedicite Dóminum: sancti & húmiles corde laudate Deum.

Psal. ibid. Benedicite ómnia ópera Dómini Dómino: laudate & superexaltate eum in sæcula. **Ps.** Glória Patri.

Oratio.

OMnípotens sempitérne Deus, qui beáto Henrico Mátyri tuo atque Pontífici, glorióso triúmpho martyrii largítus es palmam: ejus quæsumus méritis & précibus grátiam nobis largiáris & glóriam. Per Dóminum nostrum.

Léctio Epístolæ beáti Pauli Apóstoli ad Corinthios. **2. Cor. I.**

FRatres, Benedíctus Deus & Pater Dómini nostri JESU Christi, Pater misericordiárum, & DEUS totíus consolatiónis, qui consolátur nos in omni tribulatióne nostra: ut possimus & ipsi consolári eos, qui in omni pressúra sunt, per exhortatióem, qua exhortámur & ipsi à Deo. Quóniam sicut abúndant passiones Christi in nobis: ita & per Christum abúndat consolatio nostra. Sive autem tribulámur pro vestra exhortatióne & salute, sive consolámur pro vestra consolatióne, sive exhortámur pro vestra exhortatióne & salute, quæ operátur tolerántiam earúndem

passiónum, quas & nos pátimur: ut spes nostra firma sit pro vobis: sciéntes, quòd, sicut sócii passiónum estis, sic éritis & consolatiónis: in Christo JESU Dómino nostro.

Graduale. Psal. 8. Glória & honóre coronásti eum. **Ps.** Et constituísti eum super ópera mánuum tuárum, Dómine, **Allelúja, allelúja. Ps.** Hic est facérdos, quem coronávit Dóminus, **Allelúja.**

Post Septuagesimam, omissis Allelúja, & Versu sequenti dicitur

Tractus. Psal. II. Beátus vir, qui timet Dóminum: in mandátis ejus cupit nimis. **Ps.** Potens in terra erit semen ejus: generatió rectórum benedicétur.

Ps. Glória & divitiæ in domo ejus: & justitia ejus manet in sæculum sæculi.

Sequéntia sancti Euangélii secúndum Matthæum. Matth. 16. d

IN illo témpore: Dixit JESUS discíplulis suis: Si quis vult post me venire, abneget semetípsum, & tollat crucem suam, & sequátur me. Qui enim voluerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detriméntum patiátur? Aut quam dabit homo commutatióem pro ánimá sua? Filius enim hóminis ventúrus est in glória Patris sui cum Angelis suis: & tunc reddet unicuíque secúndum ópera ejus.

Offertorium. Psal. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

MUnera tibi Dómine dicata sanctifica: & intercedente beato Henrico mártire tuo atque Pontífice, per eadem nos placatus inténde. Per Dóminum.

Communio. Psal. 20. Posuisti Dómine in cápite ejus coronam de lapide pretioso.

Postcommunio.

Hæc nos commúnio, Dómine, purget à crimine: & intercedente beato Henrico, mártire tuo atque Pontífice, cœlestis remédii faciat esse consortes. Per Dóminum nostrum Jesum Christum Filium tuum: Qui tecum vivit & regnat in unitate.

Die xxiv. Januarii.

I N F E S T O

Translationis S. Erici, Regis & Martyris.

Introitus. Psal. 10.

IN virtute tua, Dómine, lætabitur justus: & super salutare tuum exultabit vehementer: desiderium animæ ejus tribuisti ei.

Psalms. ibid. Quóniam prævenisti eum in benedictionibus dulcedinis: posuisti in cápite ejus coronam de lapide pretioso. **V.** Glória Patri.

Oratio.

Præsta quæsumus omnipotens Deus: ut qui beati Erici mártiris tui Translationem colimus, intercessione ejus in tui nóminis amore roborémur. Per Dóminum.

Lectio libri Sapiéntiæ. Sap. 10. b

Justum deduxit Dóminus per vias rectas, & ostendit illi regnum Dei, & dedit illi sciéntiam sanctorum: honestavit illum in laboribus & complévit labores illius. In fraude circumvenientium illum, affuit illi: & honestum fecit illum. Custodivit illum ab inimicis, & à seductoribus tutavit illum, & certamente dedit illi ut vinceret, & sciret quóniam ómnium poténtior est sapiéntia. Hæc venditum justum non dereliquit, sed à peccatoribus liberavit eum: descenditque cum illo in fóveam, & in

vinculis non dereliquit illum, donec afferret illi sceptrum regni, & poténtiam adversus eos qui eum deprimebant: & mendaces ostendit, qui macularunt illum: & dedit illi claritatem æternam, Dóminus DEUS noster.

Graduale. Psal. 111. Beatus vir, qui timet Dóminum: in mandatis ejus cupit nimis. **V.** Potens in terra erit semen ejus: generatio rectorum benedicetur. **Allelúja, allelúja.**

V. Psal. 20. Posuisti Dómine super caput ejus coronam de lapide pretioso. **Allelúja.**

Post Septuagesimam, omissis Allelúja, & Versu sequenti dicitur

Tractus. ibid. Desiderium animæ ejus tribuisti ei: & voluntate labiorum ejus non fraudasti eum. **V.** Quóniam prævenisti eum in benedictionibus dulcedinis. **V.** Posuisti in cápite ejus coronam de lapide pretioso.

Sequéntia sancti Evangelii secundum Matthæum. Matth. 16. d.

IN illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucrétur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offertorium. Psal. 8. Glória & honore coronasti eum: & constituisti eum super opera manuum tuarum Dómine.

Secreta.

Muneribus nostris, quæsumus Dómine, precibusque susceptis: & cœlestibus nos munda mysteriis, & clementer exaudi. Per Dóminum nostrum.

Communio. Matth. 16. Qui vult venire post me, abneget semetipsum: & tollat crucem suam, & sequatur me.

Post-

Postcommunio.

DA, quæsumus Dómine Deus noster: ut sicut tuórum commemoratióne Sanctorum, temporáli gratulamur officio; ita perpétuo lætémur aspéctu. Per Dóminum nostrum JESUM Christum.

FESTA FEBRUARII.

Die iv. Februarii.

IN F E S T O

S. Ansgarii Episcopi & Confessoris.

Introitus. Eccl. 45.



Tátuit ei Dóminus testaméntum pacis, & principem fecit eum: ut sit illi sacerdotii dignitas in ætérnum.

Psalm. 131. Meménto Dómine David, & omnis mansuetudinis ejus.

V. Glória Patri. **O**ratio.

EXaudi quæsumus Dómine preces nostras, quas in beáti Ansgarii Confessoris tui atque Pontificis solemnitate deférimus: & qui tibi dignè méruit famulári, ejus intercedéntibus méritis ab ómnibus nos absólve peccátis: Per Dóminum nostrum JESUM Christum.

Léctio libri Sapiéntiæ. Eccl. 44. c.

ECce Sacerdos magnus, qui in diébus suis plácuit Deo, & invéntus est justus: & in témpore iracúndiæ factus est reconciliatio. Non est invéntus similis illi, qui conservávit legem Excélsi. Ideò jurejurádo fecit illum Dóminus créscere in plebem suam. Benedictiónem ómnium Géntium dedit illi, & testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: & invénit grátiam coram óculis Dómini. Magnificávit eum in conspéctu Regum: & dedit illi corónam glóriæ. Státuit illi testaméntum ætérnum: & dedit illi sacerdotium magnum: & beatificávit illum in glória. Fungi sacerdotio, & habére laudem in nómine ipsius: & offerre illi incénsu dignum in odórem suavitátis.

Graduale. Eccl. 44. Ecce sacerdos magnus, qui in diébus suis plácuit Deo.

V. Non est invéntus similis illi, qui conserváret legem Excélsi. Allelúja, allelúja.

V. Psal. 109. Tu es sacerdos in ætérnum, secundum órđinem Melchisedech. Allelúja.

Post Septuagesimam omisso Allelúja, & Versu sequenti, dicitur

Tractus. Psal. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatio rectórum benedicétur. **V.** Glória & divítiæ in domo ejus: & justitia ejus manet in sæculum sæculi.

Sequéntia sancti Euangélii secundum Matthæum. Matth. 25.

IN illo témpore: Dixit JESUS discipulis suis parabolam hanc: Homo peregère proficiscens, vocávit servos suos, & tradidit illis bona sua, & uni dedit quinque talénta, álii autem duo, álii verò unum, unicuique secundum própriam virtutem, & proféctus est statim. Abiit autem qui quinque talénta accéperat, & operátus est in eis, & lucrátus est ália quinque. Simíliter & qui duo accéperat, lucrátus est ália duo. Qui autem unum accéperat, ábiens fodit in terram, & abscondit pecúniam dómini sui. Post multum verò témporis venit dóminus servórum illórum, & pósuit ratióne cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidisti mihi, ecce ália quinque superlucrátus sum. Ait illi Dóminus ejus: Euge serve bone, & fidéls, quia super pauca fuísti fidéls, super multa te constituam, intra in gáudium Dómini tui. Accéssit autem & qui duo talénta accéperat, & ait: Dómine, duo talénta tradidisti mihi, ecce ália duo lucrátus sum. Ait illi Dóminus ejus: Euge serve bone, & fidéls, quia super pauca fuísti fidéls, super multa te constituam, intra in gáudium Dómini tui.

Offertorium. Psal. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

SAncti tui, quæsumus Dómine, nos ubique lætificent: ut dum eorum mérita recólimus, patrocínia sentiámus. Per Dóminum nostrum JESum Christum.

Communio. Lucae 12. Fidélis servus & prudens, quem constituit Dóminus super familiam suam: ut det illis in témpore tritici mensúram.

Postcommunio.

Præsta quæsumus omnipotens Deus: ut de percéptis munéribus grátias exhibéntes, intercedénte beáto Ansgário Confessóre tuo atque Pontífice, beneficia potióra sumámus. Per Dóminum.

Die xxv. Februarii.

IN F E S T O

S. Sigfridi Episcopi & Confessoris.

Intróitus. Eccl. 45.

Státuit ei Dóminus testaméntum pacis: & principem fecit eum: ut sit illi sacerdotii dignitas in ætérnum.

Psal. 131. Memento Dómtne David: & omnis mansuetúdinis ejus. **V.** Glória Patri.

Oratio.

Deus, qui beátum Sigfrídum, Confessórem tuum, Euangélicæ prædicationis grátia sublimásti: præsta quæsumus, ut & doctrína ejus erudiámur, & précibus adjuvémur. Per Dóminum.

Léctio libri Sapientíæ. Eccl. 44. c

Ecce Sacérdos magnus, qui in diébus suis placuit Deo, & inventus est justus: & in témpore iracúndiæ factus est reconciliatio. Non est inventus similis illi, qui conservávit legem Excélsi. Ideò jurejurándo fecit illum Dóminus créscere in plebem suam. Benediccionem ómnium Géntium dedit illi, & testaméntum suum confirmávit super caput ejus. Agnóvit eum in benediccionibus suis: conservávit illi misericórdiam suam: & invenit grátiam coram óculis Dómini. Magnificávit eum in con-

spéctu Regum: & dedit illi corónam glóriæ. Státuit illi testaméntum ætérnum: & dedit illi sacerdotium magnum: & beatificávit illum in glória. Fungi sacerdotio, & habére laudem in nómine ipsius: & offerre illi incénsus dignum in odórem suavitátis.

Graduale. Eccl. 44. Ecce sacérdos magnus, qui in diébus suis placuit Deo.

V. Non est inventus similis illi, qui conserváret legem Excélsi. Allelúja, allelúja.

V. Tu es sacérdos in ætérnum, secúndum órduem Melchisedech. Allelúja.

Post Septuagesimam, omisso Allelúja, & Verbu sequenti dicitur

Tractus. Beátus vir, qui timet Dóminum: in mandátis ejus cupit nimis. **V.**

Potens in terra erit semen ejus: generatio rectórum benedicétur. **V.**

Glória & divítia in domo ejus: & justitia ejus manet in sæculum sæculi.

Sequéntia sancti Euangélij secúndum Matthæum. Matth. 25.

In illo témpore: Dixit JESus discipulis suis parabolam hanc: Homo peregrè proficiscens, vocávit servos suos, & tradidit illis bona sua. Et uni dedit quinque talénta, álii autem duo, álii verò unum, unicuique secúndum própriam virtútem, & proféctus est statim. Abiit autem qui quinque talénta accéperat, & operátus est in eis, & lucrátus est ália quinque. Simíliter & qui duo accéperat, lucrátus est ália duo. Qui autem unum accéperat, ábiens fodit in terram, & abscondit pecúniam dómini sui. Post multum verò témporis venit dóminus servórum illórum, & pósuit ratiónem cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidisti mihi, ecce ália quinque superlucrátus sum. Ait illi Dóminus ejus: Euge serve bone, & fidélis, quia super pauca fuísti fidélis, super multa te constituam, intra in gáudium Dómini tui. Accessit autem & qui duo talénta accéperat, & ait: Dómine, duo talénta tradidisti mihi, ecce ália duo lucrátus sum.

Ait

Ait illi Dóminus ejus: Euge serve bone, & fidélis, quia super pauca fuísti fidélis, super multa te constituam, intra in gáudium Dómini tui.

Offertorium. Psal. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

Sancti tui, quæsumus Dómine, nos ubique lætificent: ut dum eórum mérita recólimus, patrocínia sentiámus. Per Dóminum nostrum JESUM Christum.

Communio. Lucæ 12. Fidélis servus & prudens, quem constituit Dóminus super familiam suam: ut det illis in témpore trítici mensúram.

Postcommunio.

Præsta quæsumus omnipotens Deus: ut de percéptis munéribus grátias exhibéntes, intercedente beato Ansgário Confessóre tuo atque Pontífice, beneficia potióra sumámus. Per Dóminum nostrum JESUM Christum Fílium tuum: Qui tecum vivit & regnat.

FESTA MARTII.

Die xxiii. Martii.

IN F E S T O

S. Catharinæ Vastanensis, Virginis.

Introitus. Psal. 44.



Illexísti justítiam, & odísti iniquitátem: propterea unxit te DEUS, DEUS tuus óleo lætítiæ præ consórtibus tuis.

Psal. ibid. Eructávit cor meum meum verbum bonum: dico ego ópera mea Regi. **V.** Glória Patri.

Oratio.

DEUS, qui Ecclésiám tuam beátæ Catharinæ Virgínis præcláris méritis, & gloriósis lætíficas miraculis: concéde nobis famulis tuis: ut & exémplis ejus in mélius reformémur & patrocínio ab ómnibus advérsis protegámur. Per Dóminum nostrum JESUM Christum Fílium tuum: Qui tecum.

Léctio Epístolæ beati Pauli Apóstoli ad Corinthios. **2. Cor. 10. d**

Succ.

Fratres, Qui gloriátur, in Dómino gloriétur. Non enim qui seípsum comméndat, ille probátus est: sed quem DEUS comméndat. Utinam sustinerétis módicum quid insipientiæ meæ, sed & supportáte me. Amulor enim vos Dei æmulatióne. Despóndi enim vos uni viro virgíne castam exhibére Christo.

Alleluja, alleluja. V. Adducéntur Regi virgines post eam: próximæ ejus afferéntur tibi in lætítia. **Alleluja. V.** Spécie tua, & pulchritúdine tua, inténde, próspere procéde, & regna. **Alleluja.**

Sequéntia sancti Euangélii secundum Matthæum. Matth. 19.

In illo témpore: Accessérunt ad JESUM Pharisæi tentántes eum, & dicéntes: Si licet hómini dimíttere uxórem suam, quacúmque ex causa: Qui respóndens, ait eis: Non legístis, quia qui fecit hóminem ab inítio, másculum & féminam fecit eos? & dixit: Propter hoc dimittet homo patrem & matrem, & adhærébit uxóri suæ, & erunt duo in carne una. Itaque jam non sunt duo, sed una caro. Quod ergo DEUS conjúnxit, homo non séparet. Dicunt illi: quid ergo Móyses mandávit dare libéllum repúdi, & dimíttere? Ait illis: Quóniam Móyses ad durítiam cordis vestri permísit vobis dimíttere uxóres vestras: ab inítio autem non fuit sic. Dico autem vobis, quia quicúmque dimíserit uxórem suam, nisi ob fornicatióne: & áliam dúxerit: mœchátur: & qui dimíssam dúxerit: mœchátur. Dicunt ei discípuli ejus: Si ita est causa hóminis cum uxóre, non expedit núbere. Qui dixit illis: Non omnes capiunt verbum istud, sed quibus datum est. Sunt enim eunúchi, qui de matris útero sic nati sunt: & sunt eunúchi, qui facti sunt ab homínibus: & sunt eunúchi, qui seípso castravérunt propter regnum coelórum. Qui potest cápere, cápiat.

Offertorium. Filiæ regum in honóre tuo, ástitit regína à dextris tuis in vestítu deauráto, circúmdata varietáte.

B

Se-

Secreta.

Accépta tibi sit, Dómine, sacratæ plebis oblatio, pro tuórum honóre Sanctorum: quorum se méritis de tribulatione percepisse cognóscit auxili-um. Per Dóminum nostrum IESum Christum.

Communio. Matth. 25. Quinque prudentes vírgines acceperunt óleum in vasis suis cum lampádibus: média autem nocte clamor factus est, Ecce sponsus venit, exite óbviám Christo Dómino.

Postcommunio.

Satiasti Dómine familiam tuam muneribus sacris: ejus quæsumus semper interventióne nos réfove, cujus solémnia celebrámus. Per Dóminum nostrum.

FESTA MAIL

Die xviii. Maii.

IN FESTO

S. Erii Regis & Martyris.

Introitus. Psal. 63.



Rotexisti me DEus à conventu malignantium, allelúja: à multitudine operantium iniquitatem, allelúja, allelúja. **Psal. ibid.**

Exáudi DEus orationem meam cum deprecor: à timóre inimici éripe animam meam. **V. Glória Patri.**

Oratio.

DEus qui beáto Erii Regi & Martyri tuo, victóriæ palmam & cœlestis regni glóriam contulisti: fac nos, quæsumus, ejus méritis & intercessióne, cuncta nobis adversántia vincere, & coronam glóriæ in cœlis feliciter obtinere. Per Dóminum nostrum IESum Christum Filium tuum.

Lectio libri Sapiéntiæ. Sap. 5.

Stabant justi in magna constántia advérsus eos qui se angustiavérunt, & qui abstulérunt labóres eórum. Vidéntes turbabúntur timóre horribili, & mirabúntur in subitatioe insperatæ

salútis, dicentes intra se, pœniténtiam ágentes, & præ angústia spíritus geméntes: Hi sunt, quos habúimus aliquándo in derisum, & in similitudinem impropérii. Nos insensáti vitam illórum æstimabámus insániam, & finem illórum sine honóre: ecce quómodo computáti sunt inter filios Dei, & inter sanctos fors illórum est.

Allelúja, allelúja. V. Psal. 88. Confitebúntur cœli mirabilia tua Dómine: étenim veritatem tuam in Ecclesia sanctorum. **Allelúja.**

V. Psal. 20. Posuisti Dómine super caput ejus coronam de lapide pretioso. **Allelúja.**

Sequentia sancti Euangélii secundum Joánnem. Joan. 15.

In illo tempore: Dixit IESus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus áfferat. Jam vos mundi estis propter sermónem, quem locutus sum vobis: Manéte in me, & ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, & colligent eum, & in ignem mittent, & ardet. Si manseritis in me, & verba mea in vobis mánserint, quodcúmque volúeritis, petétis, & fiet vobis.

Offertorium. Psal. 88. Confitebúntur cœli mirabilia tua Dómine, & veritatem tuam in Ecclesia sanctorum, allelúja, allelúja.

Secreta.

Muneribus nostris, quæsumus Dómine, precibusque susceptis; & cœlestibus nos munda mystériis, & cleménter exáudi. Per Dóminum nostrum IESum Christum Filium tuum: Qui te-

cum

cum vivit & regnat in unitate Spiritus sancti Deus.

Communio. Psal. 93. Lætabitur justus in Dómino, & sperábit in eo: & laudabúntur omnes recti corde, allelúja, allelúja.

Postcommunio.

DA, quæsumus Dómine DEUS noster: ut sicut tuórum commemoratione Sanctórum, temporáli gratulamur officio; ita perpétuo lætémur aspéctu. Per Dóminum nostrum Jesum Christum Filium tuum: Qui tecum vivit & regnat in unitate.

Si autem extra tempus Paschale celebratur, Missa dicitur. In virtute tua, ut in Communi Martyris non Pontificis, v. nisi quod Evangelium erit. Si quis vult. ut supra. fol. 2.

Oratio autem, & Secreta, & Postcommunio, ut supra.

FESTA JUNII.

Die xii. Junii.

I N F E S T O

S. Æschili Episcopi & Martyris.

Introitus. Dan. 3.



Acerdotes DEI benedicite Dóminum: sancti & húmiles corde laudáte Deum.

Psal. ibid. Benedicite ómnia ópera Dómini Dómino: laudáte & superexaltáte eum in sæcula. **V.** Glória Patri.

Oratio.

DEus, qui beátum Æschilum Pontificem tuum, pro fidei dilatatione martyrium subire voluisti: præsta quæsumus; ut omnes qui ejus implórant auxilium, petitionis suæ salutárem consequántur effectum. Per Dóminum.

Lectio Epístolæ beáti Pauli Apóstoli ad Corinthios. **2. Cor. 1.**

FRatres, Benedictus Deus & Pater Dómini nostri Jesu Christi, Pater misericordiárum, & DEUS totius consolationis, qui consolátur nos in omni tri-

bulatione nostra: ut possimus & ipsi consolári eos, qui in omni pressúra sunt, per exhortationem, qua exhortámur & ipsi à Deo. Quóniam sicut abundant passiones Christi in nobis: ita & per Christum abundat consolatio nostra. Sive autem tribulamur pro vestra exhortatione & salute, sive consolámur pro vestra consolatione, sive exhortámur pro vestra exhortatione & salute, quæ operáitur tolerantiam earúndem passionum, quas & nos patimur: ut spes nostra firma sit pro vobis: scientes, quòd, sicut sócii passionum estis, sic éritis & consolationis: in Christo Jesu Dómino nostro.

Graduale. Psal. 8. Glória & honóre coronásti eum. **V.** Et constituísti eum super ópera mánuum tuárum, Dómine, Allelúja, alleluja. **V.** Hic est sacerdos, quem coronávit Dóminus, Allelúja.

Sequéntia sancti Evangelii secundum Joánnem, Joan. 10. b

IN illo tempore: Dixit Jesus Pharisæis: Ego sum Pastor bonus. Bonus pastor ánimam suam dat pro óvibus suis. Mercenarius autem, & qui non est pastor, cujus non sunt oves propriæ, videt lupum venientem, & dimittit oves, & fugit: & lupus rapit, & dispérgit oves: mercenarius autem fugit, quia mercenarius est, & non pertinet ad eum de óvibus. Ego sum pastor bonus: & cognóscó meas, & cognóscunt me meæ. Sicut novit me Pater, & ego agnóscó Patrem: & ánimam meam pono pro óvibus meis. Et alias oves hábeo, quæ non sunt ex hoc óvili: & illas opórtet me addúcere, & vocem meam áudient, & fiet unum ovile, & unus Pastor.

Offertorium. Psal. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

MUnera tibi Dómine dicáta sanctífica: & intercedente beáto Æschilo mártire tuo atque Pontífice, per éa-

dem nos placatus intende. Per Dominum nostrum.

Communio. Psal. 20. Posuisti Domine in capite ejus coronam de lapide pretioso.

Postcommunio.

Hæc nos communitio, Domine, purget à crimine: & intercedente beato Æschilo, martyre tuo atque Pontifice, cœlestis remedii faciat esse consortes. Per Dominum nostrum.

FESTA JULII.

DOMINICA PROXIMA
post Octavam SS. Petri & Pauli
Apostolorum, celebratur Festum
Sanctorum Patronorum
Regni Sueciæ.

Introitus.

Audeamus omnes in Domino, diem festum celebrantes sub honore Sanctorum omnium: de quorum solemnitate gaudent Angeli, & collaudant Filium DEI. **Psalmus.** Exultate justi in Domino: rectos decet collaudatio. **V.** Glória Patri.

Oratio.

Infirmi-tatem nostram quaesumus Domine, propitius respice; & mala omnia, quæ pro peccatis nostris juste meremur, Sanctorum tuorum hujus Regni Patronorum intercessione clementer averte. Per Dominum nostrum.

Lectio libri Sapientiae. Sap. 3.

Justorum animæ in manu DEI sunt, & non tanget illos tormentum mortis. Visi sunt oculis insipientium mori: & æstimata est afflictio, exitus illorum: & quod à nobis est iter, exterminium: illi autem sunt in pace. Et si coram hominibus tormenta passi

sunt, spes illorum immortalitate plena est. In paucis vexati, in multis bene disponuntur: quoniam DEUS tentavit eos, & invenit illos dignos se. Tamquam aurum in fornace probavit illos, & quasi holocausti hostiam accepit illos, & in tempore erit respectus illorum. Fulgebunt justi, & tamquam scintillæ in arundinato discurrent. Judicabunt nationes, & dominabuntur populis, & regnabit Dominus illorum in perpetuum.

Graduale. Psal. 33. Time-te Dominum omnes sancti ejus: quoniam nihil deest timentibus eum. **V.** Inquirentes autem Dominum non deficient omni bono. **Allelûja, allelûja, V.** Venite ad me omnes qui laboratis & onerati estis, & ego reficiam vos. **Allelûja.**

Sequentia sancti Evangelii secundum Matthæum. Matth. 5.

In illo tempore: Videns JESUS turbas, ascendit in montem, & cum sedisset, accesserunt ad eum discipuli ejus, & aperiens os suum docebat eos, dicens: Beati pauperes spiritu: quoniam ipsorum est regnum cœlorum. Beati mites: quoniam ipsi possidebunt terram. Beati, qui lugent: quoniam ipsi consolabuntur. Beati, qui esuriunt & sitiunt justitiam: quoniam ipsi saturabuntur. Beati misericordes: quoniam ipsi misericordiam consequentur. Beati mundo corde: quoniam ipsi DEUM videbunt. Beati pacifici: quoniam filii DEI vocabuntur. Beati, qui persecutionem patiuntur propter justitiam: quoniam ipsorum est regnum cœlorum. Beati estis cum maledixerint vobis homines, & persecuti vos fuerint, & dixerint omne malum adversum vos, mentientes, propter me: gaudete, & exultate, quoniam merces vestra copiosa est in cœlis.

Credo.

Offertorium. Sap. 3. Justorum animæ in manu DEI sunt, & non tanget

illos tormentum malitiæ: visi sunt oculis insipientium mori, illi autem sunt in pace.

Secreta.

Munera tibi, Dómine, nostræ devotionis offerimus: quæ & pro cunctorum tibi grata sint honore justorum, & nobis salutaria, te miserante reddantur. Per Dóminum.

Communio. Beati mundo corde, quóniam ipsi DEUM vidébunt: beati pacifici, quóniam Filii Dei vocabuntur: beati qui persecutionem patiuntur propter justitiam, quóniam ipsorum est regnum cælorum.

Postcommunio.

DA quæsumus Dómine, fidelibus populis, omnium Sanctorum semper veneratióne lætari, & eorum perpetua supplicatióne muniri. Per Dóminum.

Die xv. Julii.

I N F E S T O
S. Davidis Abbatis.**Introitus.** Psal. 36.

O justi meditabitur sapientiam, & lingua ejus loquetur iudicium: lex DEI ejus in corde ipsius.

Psal. ibid. Noli æmulari in malignantibus: neque zelaveris facientes iniquitatem. **V.** Glória Patri.

Oratio.

Intercéssio nos, quæsumus Dómine, beati Davidis Abbatis commendet: ut quod nostris méritis non valémus, ejus patrocínio assequámur. Per Dóminum.

Lectio libri Sapientia.

Dilectus Deo & hominibus, cujus memoria in benedictiône est. Similem illum fecit in glória sanctorum, & magnificavit eum in timóre inimicorum, & in verbis suis monstravit placavit. Glorificavit illum in conspé-

ctu regum, & jussit illi coram populo suo, & ostendit illi glóriam suam. In fide & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem, Et dedit illi coram præcepta, & legem vitæ & disciplinæ.

Graduale. Psal. 10. Dómine, prævenisti eum in benedictiõibus dulcedinis: posuisti in capite ejus coronam de lapide pretioso. **V.** Vitam petiit à te, & tribuisti ei longitudinem dierum in sæculum sæculi. **Allelúja,** allelúja. **V.** Psal. 19. Justus ut palma florebit: sicut cedrus Libani multiplicabitur. **Allelúja.**

Sequéntia sancti Euangélii secundum Matthæum. **Matth. 19. d**

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos qui secuti estis me, in regeneratióne, cum sederit Filius hominis in sede majestatis suæ, sedebitis & vos super sedes duodecim, iudicantes duodecim tribus Israël. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Offertorium. Psal. 20. Desiderium animæ ejus tribuisti ei Dómine, & voluntate labiorum ejus non fraudasti eum: posuisti in capite ejus coronam de lapide pretioso.

Secreta.

Sacris altaribus, Dómine, hostias superpositas sanctus David Abbas, quæsumus, in salutem nobis provenire deposcat. Per Dóminum nostrum Jesum Christum.

Communio. Lucæ 12. Fidelis servus & prudens, quem constituit Dóminus super familiam suam: ut det illis in tempore tritici mensuram.

Postcommunio.

PRótegat nos, Dómine, cum tuí perceptione sacramenti beátus David Abbas, pro nobis intercedendo: ut & conversationis ejus experiámur insignia, & intercessionis percipiámus suffragia. Per Dóminum nostrum JESUM Christum.

Die xxviii. Julii.

I N F E S T O

S. Botuidi Martyris.

Introitus. Psal. 16.



Létabitur justus in Dómino, & sperábit in eo: & laudabúntur omnes recti corde.

Psal. ibid. Exáudi DEUS orationem meam cum deprecor: à timóre inimíci éripe ánimam meam. **V.** Glória Patri.

Oratio.

Cordibus nostris, quæsumus Dómine, veræ fidei splendor illúceat: & beáti Botuidi Mátyris tui salutáris intercessio ab instantibus periculis nos deféndat. Per Dóminum nostrum JESUM Christum Fílium tuum.

Léctio Epístolæ beáti Pauli Apóstoli ad Timótheum. **2. Tim. 2.**

Charíssime, memor esto Dóminum JESUM Christum resurrexisse à mórtuis ex semine David, secundum Euangélium meum, in quo labóro usque ad víncula, quasi malè óperans: sed verbum DEI non est alligátum. Ideò ómnia sustíneo propter electos: ut & ipsi salutem consequántur, quæ est in Christo JESU, cum glória cœlesti. Tu autem affecúsus es meam doctrinam, institutíonem, propósitum, fidem, longanimitátem, dilectíonem, patientiam, persecutíones, passíones: quália mihi facta sunt Antiochiæ, Icónií, & Lystris: quales persecutíones sustínui, & ex ómnibus erípuit me Dó-

minus. Et omnes, qui piè volunt vivere in Christo JESU, persecutíonem patiéntur.

Graduale. Psal. 36. Justus cum ceciderit, non collidétur; quia Dóminus supponit manum suam. **V.** Tota die miserétur, & commodat: & semen ejus in benedictíone erit. **Allelúja, allelúja. V.** Qui séquitur me, non ambulat in ténébris, sed habébit lumen vitæ æternæ. **Allelúja.**

Sequéntia sancti Euangélii secundum Joánnem. Joan. 12. d

In illo témpore: Dixit JESUS discipulis suis: Amen, amen dico vobis, nisi granum frumenti cadens in terram, mórtuum fuerit; ipsum solum manet. Si autem mórtuum fuerit, multum fructum affert: Qui amat ánimam suam, perdet eam: & qui odit ánimam suam in hoc mundo, in vitam æternam custódit eam. Si quis mihi ministrat, me sequátur: & ubi sum ego, illic & míster meus erit. Si quis mihi ministráverit, honorificábit eum Pater meus.

Offertorium. Psal. 20. Posuisti Dómine in cápite ejus coronam de lapide pretiósó: vitam pécitit à te, & tribuísti ei. **Allelúja.**

Secreta.

Accépta sit in conspéctu tuo, Dómine, nostra devotío: & ejus nobis fiat supplicatíone salutáris, pro cuius solemnitate defértur. Per Dóminum nostrum JESUM Christum Fílium tuum: Qui tecum vivit & regnat in unitate.

Communio. Joan. 12. Qui mihi ministrat, me sequátur: & ubi sum ego, illic & míster meus erit.

Postcommunio.

Refécti participatíone munéris sacri, quæsumus Dómine DEUS noster: ut cuius exequimur cultum, intercedente beáto Botuido mátyre tuo, sentiamus effectum. Per Dóminum nostrum JESUM Christum Fílium tuum:

Qui

Qui tecum vivit & regnat in unitate
Spíritus sancti DEus.

Die xxi. Julii.

I N F E S T O

S. Olavi Regis & Martyris.

Introitus, Pſal. 2.



N virtute tua, Dómine, lætabitur justus: & super salutare tuum exultabit vehementer: desiderium animæ ejus tribuisti ei. **Pſal. ibid.** Quóniam prævenisti eum in benedictionibus dulcedinis: posuisti in capite ejus coronam de lapide pretioso. **V.** Glória Patri.

Oratio.

DEus, qui es Regum coróna, & Mátyrum victória: tribue nobis, quæsumus beáti Olávi Regis & Mátyris tui pia apud te experiri patrocinia: ut per tuam, quam in ejus passione glorificamus magnificéntiam, coronam vitæ diligentibus te percipiámus repromissam. Per Dóminum nostrum **JESUM** Christum Filium tuum.

Lectio libri Sapiéntiæ. Sap. 10. b

Justum deduxit Dóminus per vias rectas, & ostendit illi regnum Dei, & dedit illi sciéntiam sanctorum: honestavit illum in laboribus & complévit labores illius. In fraude circumventionium illum, affuit illi: & honestum fecit illum. Custodivit illum ab inimicis, & a seductoribus tutavit illum, & certámen forte dedit illi ut vinceret, & sciret quóniam ómnium potentior est sapiéntia. Hæc venditum justum non dereliquit, sed a peccatoribus liberavit eum: descenditque cum illo in fóveam, & in vinculis non dereliquit illum, donec afferret illi sceptrum regni, & poténtiam advérsus eos qui eum deprimébant: & mendaces ostendit, qui maculaverunt illum: & dedit illi claritatem æternam, Dóminus DEus noster.

Graduale. Pſal. 3. Beátus vir, qui timet Dóminum: in mandatis ejus cupit nimis. **V.** Potens in terra erit semen ejus: generatio rectorum benedictur. **A**llelúja, allelúja. **V.** Posuisti Dómine super caput ejus coronam de lapide pretioso. Allelúja.

Sequéntia sancti Euangélii secundum Matthæum. Matth. 26. d

In illo tempore: Dixit **JESUS** discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdiderit animam suam propter me, inveniet eam. Quid enim prodest homini, si mundum universum lucrétur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in glória Patris sui cum Angelis suis: & tunc reddet unicuique secundum ópera ejus.

Offertorium. Pſal. 8. Glória & honóre coronasti eum: & constituisti eum super ópera manuum tuarum, Dómine.

Secreta.

Muneribus nostris, quæsumus Dómine, precibusque susceptis: & cœlestibus nos munda mysteriis, & cleménter exaudi. Per Dóminum nostrum.

Communio. Matth. 16. Qui vult venire post me, abneget semetipsum: & tollat crucem suam, & sequatur me.

Postcommunio.

DA, quæsumus Dómine DEus noster: ut sicut tuorum commemoratióne sanctorum, temporáli gratulamur officio; ita perpétuo lætemur aspéctu. Per Dóminum nostrum **JESUM** Christum.

Die xxxi. Julii.

I N F E S T O

S. Helenæ Viduæ & Martyris.

Introitus. Psal. 118.

ME expectaverunt peccatores, ut perderent me: testimonia tua Domine intellexi, omnis consumptionis vidi finem: latum mandatum tuum nimis. *Psal. ibid.* Beati immaculati in via: qui ambulat in lege Domini. *Ps.* Gloria Patri.

Oratio.

LArgire nobis, quæsumus clementissime Deus, intercessione beatæ Helenæ Martyris tuæ veniam nostrorum peccatorum: & quos ejus concedis solemniis gloriari, da ejus precibus gloriosus, coelitus adjuvari. Per Dominum.

Lectio libri Sapientiae. *Prov. 31. b*

Mulierem fortem quis inveniet? procul, & de ultimis finibus pretium ejus. Confidit in ea cor viri sui, & spoliis non indigebit. Reddet ei bonum, & non malum, omnibus diebus vitæ suæ. Quæsit lanam & linum, & operata est consilio manuum suarum. Facta est quasi navis institoris, de longè portans panem suam. Et de nocte surrexit, deditque prædam domesticis suis, & cibaria ancillis suis. Consideravit agrum & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt fuscum. Manum suam aperuit inopi, & palmas suas extendit ad pauperem. Non timebit domui suæ à frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, & ven-

didit, & cingulum tradidit Chanaanæo. Fortitudo & decor indumentum ejus, & ridebit in die novissimo. Os suum aperuit sapientiæ: & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt, vir ejus, & laudavit eam. Multæ filiæ congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eam in portis opera ejus.

Graduale. Psal. 44. Dilexisti justitiam, & odisti iniquitatem.

Ps. Propterea unxit te DEUS, DEUS tuus, oleo lætitiæ. *Allelúja, allelúja.*

Ps. Spécie tua, & pulchritudine tua, intendente, prospere procede, & regna, allelúja.

Sequentia sancti Evangelii secundum Matthæum. *Matth. 12. d*

In illo tempore: Loquente Jesu ad turbas, ecce mater ejus & fratres stabant foris, quærentes loqui ei. Dixit autem ei quidam: Ecce mater tua & fratres tui foris stant, quærentes te. At ipse, respondens dicenti sibi, ait: Quæ est mater mea, & qui sunt fratres mei? Et extendens manum in discipulos suos, dixit: Ecce mater mea, & fratres mei. Quicumque enim fecerit voluntatem Patris mei qui in cælis est, ipse meus frater, & soror & mater est.

Offertorium. Psal. 44. Diffusa est gratia in labiis tuis, propterea benedixit te Deus in æternum, & in sæculum sæculi, allelúja.

Secreta.

Suscipe Domine mûnera, quæ in beatæ Helenæ Martyris tuæ solemnitate deferimus, cujus nos confidimus patrocinio liberari. Per Dominum nostrum Jesum Christum Filium tuum: Qui tecum vivit & regnat in unitate.

Communio. Psal. 18. Principes persecuti sunt me gratis, & à verbis tuis

formidavit cor meum: lætabor ego super elóquia tua, quasi qui invenit spólia multa.

Postcommunio.

Auxiliéntur nobis, Dómine, sumpta mystéria: & intercedente beata Hélena Mártire tua sempitérna fá-
ciant protectióne gaudere. Per Dó-
minum nostrum JESum Christum Fí-
lium tuum: Qui tecum vivit & regnat
in unitate.

FESTA AUGUSTI.

Die ii. Augusti.

**Commemoratio S. Catharinæ
Vastanensis Virginis.**

Missæ ut supra Martii.

FESTA OCTOBRI S.

Die viii. Octobris.

IN FESTO**S. Birgittæ Viduæ.****Introitus, Psal. 118.**

Ognóvi Dómine, quia
æquitas judícia tua, & in
veritate tua humiliásti
me: confige timóre tuo
carnes meas, à mandátis
tuis tímui. **Psal. ibid.** Beáti immaculáti
in via: qui ámbulant in lege Dómini.

V. Glória Patri.

Oratio.

Domine DEus noster, qui beátæ Bir-
gittæ per Fílium tuum unigénitum
secréta cœlestia revelásti: ipsius pia in-
tercessióne, da nobis fámulis tuis, in re-
velátione sempitérnæ glóriæ tuæ gau-
dere lætantes. Per eúndem Dóminum.

Lectio Epístolæ beáti Pauli Apóstoli ad
Timótheum. **2. Timoth. 5.**

Charíssime, Víduas honóra, quæ ve-
rè víduæ sunt. Si qua autem ví-
dua filios aut nepótes habet: discat pri-
mùm domum suam régere, & mútuam

vicem réddere paréntibus: hoc enim
accéptum est coram Deo. Quæ autem
verè vídua est, & desoláta; speret in
DEum, & instet obsecratióibus &
oratióibus nocte ac die. Nam quæ in
deliciis est, vivens mórtua est. Et hoc
præcipe, ut irreprehensibiles sint. Si
quis autem suórum, & máximè dome-
sticórum curam non habet, fidem ne-
gávit, & est infidéli detérior. Vídua
eligátur non minùs sexaginta annórum,
quæ fúerit unius viri uxor, in opéribus
bonis testimónium habens, si filios edu-
cávit, si hospítio recépit, si sanctórum
pedes lavit, si tribulatióem patiénti-
bus ministrávit, si omne opus bo-
num subsecúta est.

Graduale, Psal. 44. Diffúsa est grá-
tia in lábiis tuis, proptérea benedíxit te
DEus in ætérnum. **V.** Propter veri-
tatem, & mansuetúdinem, & justítiam:
& dedúcet te mirabiliter dextera tua.

Allelúja, allelúja.

V. ibid. Spécie tua, & pulchritúdi-
ne tua, inténde, próspere procéde, & re-
gna. Allelúja.

**Sequéntia sancti Euangélii secúndum
Matthæum. Matth. 13. f**

In illo témpore: Dixit JESus discípu-
lis suis parábolam hanc: Simile est
regnum cœlórum thesáuro abscondito
in agro quem qui invenit homo ab-
scóndit, & præ gáudio illius vadit, &
vendit univérfa, quæ habet, & emit
agrum illum. Iterùm simile est re-
gnum cœlórum hómini negotiátóri
quærénti bonas margaritas. Inventa
autem una pretiósa margaríta, ábiit, &
vendidit ómnia, quæ hábuit, & emit
eam. Iterùm simile est regnum cœló-
rum sagénæ missæ in mare, & ex omni
génere píscium congregánti. Quam,
cúm impléta esset, educétes, & secus
littus sedétes, elegérunt bonos in vasa,
malos autem foras misérunt. Sic erit
in consummatione sæculi. Exibunt
Angeli, & separábunt malos de médio
justórum, & mittent eos in camínium
lignis: ibi erit fletus, & stridor déntium.

Intellexistis hæc omnia? Dicunt ei: Etiam. Ait illis: Ideò omnis scriba doctus in regno cœlorum, similis est homini patrifamilias, qui profert de thesauro suo nova & vœtera.

Offertorium. Psal. 44. Diffusa est gratia in labiis tuis, propterea benedixit te DEus in aeternum, & in sæculum sæculi.

Secreta.

Accepta tibi sit, Dòmine, sacratæ plebis oblatio, pro tuorum honore Sanctòrum: quorum se mèritis de tribulatione percepisse cognoscit auxilium. Per Dòminum nostrum Jesum

Christum Filium tuum: Qui tecum vivit & regnat in unitate Spìritus sancti DEUS.

Communio. Psal. 44. Dilexisti iustitiam, & odisti iniquitatem: propterea unxit te DEus, DEus tuus, oleo lætitiæ præ consortibus tuis.

Postcommunio.

Satiasti, Dòmine, familiam tuam munèribus sacris: ejus quæsumus semper interventione nos refove, cujus solèmnia celebramus. Per Dòminum nostrum Jesum Christum Filium tuum: Qui tecum vivit & regnat in unitate Spìritus sancti DEUS.





KALENDARIUM
SANCTORUM
 REGNI SUECIÆ
PATRONORUM.

Dies M. JANUARIUS.

19 **S. Henrici Episcopi & Martyris.** Duplex. fol. 1.

24 **S.** Translatio S. Erici Regis & Mart. Duplex. fol. 2.

FEBRUARIUS.

4 **S. Ansgarii Episcopi & Confessoris.** Duplex fol. 3.

25 **S. Sigfridi Episcopi & Confessoris.** Duplex. fol. 4.

MARTIUS.

23 **S. Catharinæ Vastanensis Virginis, Filiæ S. Birgittæ.** Duplex. fol. 5.

MAIUS.

18 **S. Erici Regis & Martyris.** Duplex. fol. 6.

JUNIUS.

12 **S. Æschili Episcopi & Martyris.** Duplex. fol. 7.

JULIUS.

Dominica proximâ post Octavam SS. Apostolorum Petri & Pauli, celebratur Festum SS. Patronorum Sueciæ. Duplex. fol. 8.

15 **S. Davidis Abbatis.** fol. 9.

28 **S. Botuidi Martyris.** Duplex. fol. 10.

29 **S. Olavi Regis & Martyris.** Duplex. fol. 11.

31 **S. Helenæ Viduæ & Martyris.** Duplex. fol. 12.

AUGUSTUS.

2 Commemoratio S. Catharinæ Vastanensis Virginis. fol. 13.

OCTOBER.

8 **S. Birgittæ Viduæ.** fol. 13.

FINIS.

AUGUSTÆ VINDELICORUM, ET GRÆCIL.
 SUMPTIBUS PHILIPPI, MARTINI, ET JOANNIS VEITH, FRATRUM.

MDCCXXIX.

KALENDARIIUM
SANCTORUM
REGNI SUECIE
PATRONORUM

JANUARIUS
FEBRUARIUS
MARTIUS
APRILIS
MAYIUS
JUNIUS
JULIUS
AUGUSTUS
SEPTEMBER
OCTOBER



FINIS

AUGUSTE VINDELICORUM ET GRÆCÆ

MDCCLXXII
Hoc Missa in Ecclesia Sub Titulo Beatae Annunciate Conq.
Præbiterionica, emptum, et in perpetuum applicata fuit.





